

古愚心言十三



覆訊武清王氏命案詳稿

康熙二十六年四月二十八日

順天府通州三河縣爲呈報人命事康熙二十六年三月十一日准武清縣關蒙巡道胡憲票內開據本縣招解兇犯陸二殺死王氏一案招由星速會同三河縣并薊州公審陸二果否真兇二妻王氏并張氏趙寡等因何縣審與本道親審口供互異逐一推勘毋枉毋縱妥招申解計發人犯陸二張氏王氏陸國清趙寡衛國棟喬國遠擬合抄錄駁勘情由訂期會審施行又蒙憲票催同前事蒙此該卑職遵將會審稽遲及各詳緣由具

文星送武清先交憲役外三河縣知縣彭鵬再拜稽首
而後言曰夫刑稱祥刑獄稱敬獄不敬不祥禍莫大焉
卑職初捧憲牌祇承欽恤准薊州訂期四月十二日於
寶坻會訊是日薊州午刻同武清取供先去卑職過午
至甯知縣請覆訊辭以平旦武清經承送原供薊經承
留後亦送供叅觀互異是夜更闌潛入寶坻城隍廟獨
宿簷廊地下與神告也晨會訊於廟虛公研鞫匪但供
悖原招卽與薊武昨訊亦不符比及薊州訂於薊之下
倉天齊廟再審各供仍互異彼時隣婦趙寡及屍女張

氏皆云陸國清通同解役李文進令改口嚴訊堅不認
卑職伏思讞貴初情據原招則殺人出自伊妻王氏罵
出之語張氏聽之也據今供則殺人又出自陸二嚷出
之語張氏聞之也且兇器係小刀先據王氏在武清供
陸二夜歸卽云刀子投諸河後在寶坻廟中又供插於
籬失於火掘於土堆一一符合然不知屍圖所報刀柄
青傷分寸以柄之小印傷之濶此理甚明何必投河插
籬而後致其疑乎查此案在彼婦因有我是兇犯一句
遂指其夫則怨毒之甚也在屍女因有母先被殺一案

遂速以獄則附會之過也武清縣甯知縣據小直沽巡
檢所詳小直沽巡檢據地方衛國棟所報嗣發此刀毅
然律擬皆失之驟也卑職燭下細閱以所覩思所聽敬
之畏之如鑒如臨雖有武清之送會詳胥役至再重以
薊州之已押號印信判行卑職輾轉終不安於心乃於
會稿署尾曰叙供與會訊互異故殺爲恩赦所無致
之死則訊稿現存出諸生又赦條不合祇鈐半印乞
鑒寸心三河縣知縣彭鵬謹識囑武清刑胥歸俟之三
日弗報不已另詳所望鏡懸親訊迅開出死入生之路

并寬失出失入之科維吏與民均邀再造爲此備由另造訊供清冊呈送伏乞照詳施行

王氏証本夫陸二寬犯訊供

訊犯婦王氏這殺死那王氏怎麼知道是你男人呢據供是他自己嚷出屍女張氏聽見央隣居趙寡叫衛地方拿的

又訊是甚麼時候出門供是一更天訊你原供帶酒去麼供有些夢酒氣不大醉回來再添了酒氣訊這酒是家裏吃麼供是在外吃的

又訊他殺那王氏想有讐麼據供沒有因他與哥角氣
他哥陸國清叫地方衛國棟打他氣不過要殺人給地
方個沒頭官事打

訊這話是對你說的麼據供是那夜二更殺人回來小
的問他他說我殺死張媽媽了

彭鵬細按武清縣巡檢諸廷相原詳據河北地方衛國
棟呈報內有陸二夫妻打嚷他妻王氏口稱你先殺死
王氏又要殺我則陸二殺人其妻証之也今王氏屢供
皆云男人口吐屍女耳聞則與國棟原報巡檢原詳武

清縣原招各相悖又細按原招內陸二招稱乘着酒興用解手刀殺死王氏則醉後行兇又按原招王氏供那夜二更丈夫吃得醉醉告訴小的則醉中吐露今會訊王氏只供帶些酒氣不大醉醉與不醉婦言何自悖且王氏又供陸二回時再添了酒氣是未殺人時一飲既殺人後再飲夫殺人何事頃刻間出入酒肆一飲再飲而無或忌乎查王氏先在寶坻廟中供陸二屋裏自語殺人以害國棟耳伏於垣聽或失真至供是我問他他說殺死王氏則鑿鑿矣細按武清縣原招各証咸供陸

氏夫妻時時打架反目異心豈於殺人後琴瑟忽調從容問荅而以陰事詢之告之者若武清所見則以天道有知鬼使之語試問犯婦供二月初一早陸二自語豈王氏未殺而鬼先憑乎方今歷審不認鬼又安往頑然嘿然卑職所不敢附會者一也

地方衛國棟原報覓犯訊供

訊衛國棟你當地方幾年供稱四年訊這四年內有人命官事累你地方麼據供報明縣裏就累不着小的訊陸二與你同庄幾年供他先住二十餘年

訊你曾幫陸國清打陸二麼供勸他不止打他是實次日是二月初一日鄉親們就與他哥兒和解立個分單還有小的名字花押訊你們和解了怎麼王氏說他男人要殺人害你呢供小的不知道

陸二胞兄陸國清訊供

訊陸國清你分單今在那裏供先年諸巡檢取這紙分單收了。

彭鵬謹按衛國棟供當地方四年人命官事報官後累不及地方陸二久住必聞之熟矣今謂殺一王氏可以

累不同居之國棟藉以洩忿毋論理所必無卽忿亦何
由洩也又國清與二同胞所爭一舫一屋兄弟閭牆次
日鄉隣勸解立有分單式好無尤矣分單內有國棟僉
押排解無憾尙欲以殺人累國棟何也且國棟報殺人
兇犯非報分家鬪毆也巡檢諸延相倉卒訊及旣收其
單何以原報並無涉筆比及卑職在寶坻城隍廟研審
至此武清縣回邑始提此紙則向日巡檢收此紙與匿
此紙者何心卑職所不敢附會者二也

王氏証小刀是兇器訊供

訊王氏那夜拿出兇器你知道麼供小的知道

又訊出門時你屋裏上燈了麼供小的窮人家那裏上燈詰旣在暗裏怎麼知道他拿刀去供因白日裏說要殺人就留心覷他出門時小的摸箱裏沒有這刀子詰訊那夜他回家還有這把刀麼供他說撩在河裏

又訊王氏你怎麼復供殺人回刀插在竹籬笆上供這是他自己後來對小的說詰訊這刀是籬笆地下掘的麼據供原是縣裏差人掘的

彭鵬細按武清原招以兇器與屍傷符確信以此查原

招并查原卷件作鄭守秋報呈內開偏左刀傷一處長一寸濶四分正額顱刀傷一處長一寸八分濶一寸五分左太陽穴刀傷一處長一寸五分濶五分左眼胞刀柄傷青色一處長一寸七分濶一寸五分右耳竅刀柄傷一處長一寸濶六分查前後詳文內右耳竅刀柄傷脫個柄字卑職將原狀背面暗押號防改換也先於寶坻廟裏會審時取小刀驗明刀長不過五寸濶不過四分利用刺刺則刀用豎一刺一出何以刀痕濶至一寸五分且同一刀柄也何以眼胞則傷一寸七分耳竅止

六分又刺必大創創者急必以手遮攔手必傷何以檢
無恙若謂嫗睡熟又太陽穴係致命卽斷氣何以額顙
多一刺偏左又一刺且眼胞耳竅兩處刀柄擊傷在未
殺乎在旣殺乎夫未殺則何以擊使醒也旣殺則畢命
矣有何深讐而餘怒兩擊以柄乎人死血收肉頑何以
又有青痕也且夫克人操寸刃未有倒握其鋒用力於
柄自傷其手者也據王氏供黑裏出門何以卽知操刃
又何以卽知此刃在箱子裏而遽覓之也又陸二旣殺
人矣王氏問而突以實告或未可知如曰刀投河裏王

氏非訊兇器何突而語此也語而恐洩又防其口細按武清原招內王氏再供陸二凡吃醉尋事打罵就不知不覺自己道我是殺王氏兇犯夫陸二囑王氏以勿洩而反肯自洩乎讞至此心悻矣卑職尤加謹焉本月會審歸至寶坻交界各犯在後要諸河干訊彼婦以汝家失火何時供曰前年六月訊以汝夫殺人何時供曰前年二月訊以先在寶坻云這把殺人刀柄還燒一塊真否供曰原燒是實三河縣知縣彭鵬臨河嘆且質曰六月失火而二月刀柄先燒有是事乎王氏伏地獄至此

心痛矣毋待婦供刀投河裏夫供刀壓土裏各自矛盾而後矜慎者也誓諸河以告解役此與寶坻廟中反覆辯論下倉更闌委曲敷陳同一苦衷今武清縣會看主稿仍云陸二口供炳據殺人兇器宛存此卑職所不敢附會者三也

隣佑喬國遠訊供

訊喬國遠這殺死王氏的話陸二親口說出你聽得真麼供那日只聽得陸二打伊妻子嚷到街裏口說我是兇犯並沒有說殺死王氏的話

彭鵬謹按先訂寶坻會審卑職未刻到楊知州先已審畢至則行矣武清縣遣經承送錄供一紙內開喬國遠供陸二自已說我是殺死王氏兇犯你們拿罷隨而薊州經承送到錄供內開喬國遠供陸二吃醉說我是兇犯無殺死王氏四字次日城隍廟與武清會審以此質薊武經承曰非薊臧則武增薊之經承稱有本官硃點據本月下倉天齊廟會審國遠口供與薊州原錄及卑職所訊同今武清主稿會看內云喬國遠等同供陸二殺死王氏兇犯自其口出卑職所不敢附會者四也